



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Broj: 3136/20

Datum: 20.02.2020. godine

Na osnovu člana 69. stav (2) tačka e) i člana 70. stav 1) i 4) Zakona o javnim nabavkama („Službeni glasnik BiH“ br. 39/14), člana 37. Statuta Javnog preduzeća „Grijanje“ d.o.o. Zenica, postupajući po preporuci Komisije za nabavke, Uprava Javnog preduzeća „Grijanje“ d.o.o. Zenica, donosi

ODLUKU **o poništenju postupka javne nabavke**

Poništava se postupak javne nabavke roba-Materijali za zavarivanje, brušenje i drugi sitni potrošni materijali, po konkurentskom zahtjevu za dostavu ponuda, obavještenje o nabavci broj: 1091-7-1-84-3-3/20 od 23.01.2020. godine

Ova Odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

Obrazloženje

Dana 23.01.2020.godine, Javno preduzeće "Grijanje" d.o.o. Zenica objavilo je na portalu javnih nabavki, obavještenje o nabavci roba-Materijali za zavarivanje, brušenje i drugi sitni potrošni materijali, putem konkurentskog zahtjeva za dostavu ponuda. Procijenjena vrijednost nabavke je do 15.000,00 KM. Rok za predaju ponuda je bio 17.02.2020. godine do 10,30 sati. Dana 17.02.2020. godine u 11,00 sati, Komisija za nabavke izvršila je otvaranje blagovremeno dospjelih ponuda, te konstatovala da su blagovremeno pristigle ponude ponuđača INTER-COM d.o.o. Zenica i PERO ZENICA d.o.o..

Javno preduzeće "Grijanje" d.o.o. Zenica je ponude naprijed navedenih ponuđača ocijenilo prihvatljivim, te zakazalo e-aukciju za dan 19.02.2020. godine. Nakon završene e-aukcije, a na osnovu izvještaja o toku i završetku e-aukcije, sačinjena je konačna rang lista ponuđača o rezultatima e-aukcije, kako slijedi: 1. INTER-COM d.o.o. Zenica, sa ponuđenom cijenom bez PDV-a u iznosu od 18.687,90 KM, 2. PERO ZENICA d.o.o., sa ponuđenom cijenom bez PDV-a u iznosu od 19.774,10 KM.

Na osnovu rezultata ostvarenih nakon provođenja e-aukcije, konstatuje se su ponuđači ponudili cijene ponuda koje su znatno veće od osiguranih sredstava za predmetnu nabavku koja iznosi 15.000,00 KM. Cijena prvorangirane ponude je veća za 3.687,90 KM od osiguranih sredstava, dok je cijena drugorangirane ponude veća za 4.774,10 KM.


Komisija za javne nabavke dala je preporuku Upravi preduzeća da donose odluku o poništenju postupka nabavke roba-materijali za zavarivanje, brušenje i drugi sitni potrošni materijali, a sve imajući u vidu član 69. stav (2) tačka e) i član 70. stav (4) Zakona o javnim nabavkama (Službeni glasnik BiH broj: 39/14).

Članom 69. stav 2. tačka c) Zakona o javnim nabavkama (Službeni glasnik BiH broj: 39/14) propisano je: "Ugovorni organ obavezan je poništiti postupak javne nabavke u slučaju da: e) cijene svih prihvatljivih ponuda znatno su veće od osiguranih sredstava za predmetnu nabavku."

Shodno naprijed navedenom, donesena je odluka kao u dispozitivu.

Pouka o pravnom lijeku: Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.




Direktor
Kaknjo Sead, dipl.ing.maš.

Dostavljeno:

- Ponuđači putem mail adrese
- web stranica ugovornog organa
- Arhiva nabavke